

Mga bagong makina sa pagsasaka!

Kuwento ni: Fredierick M. Saludez Guhit ni: Jude Klarence C. Pangilinan



Ride-on Precision Seeder
Nasa 4 butil bawat tundos ang nalalaglag mula sa labasan ng buto. Nagagawa rin nitong tabunan ang mga butil nang nasa 1 sm na kapal ng lupa.

Ibadad muna ang buto nang 24 oras at kulubin nang 12 oras para hindi masyadong mahaba ang tubo o putok ang mga butil. Ito ay para hindi maputol ang tubo ng butil dahil sa seed metering device.

Rekomendado ang makina sa mga palayang may patubig. Mas mainam gamitin sa malalaking pinitak para mahaba ang matataman sa isang pasada.

Dalawang tao lamang ang mag-ooperate nito nang hanggang 2 ektarya sa isang araw.



Riding-type Rice Transplanter
Ito ang makinang para sa lipat-tanim, walang tundos na nilalaktawan at sukat-na-sukat pa ang mga distansya.

Kung hybrid ang binhi, 30 kilo pataas ang kailangan sa pagpupunla sa seedling tray na pina-abat nang 14-20 araw bago ilipat-tanim ng makina. Ang agwat bawat hilera at tundos ay 30x13 sm.

Kailangang patag ang bukid bago maglipat-tanim. Kung lagkitin ang lupa, patagin ito isang araw bago ang paglipat-tanim. Kung mabuhangin ang lupa, patagin at tannan ito kaagad.

Dahil mas bata o nasa tamang edad ang mga punla, hindi gaanong nai-stress at siguradong mas marami magsuwi ang mga ito.



Kung may tanong tungkol sa Ride-on Precision Seeder at Riding-type Transplanter, maaari kayong magtext o tumawag sa PhilRice Text Center **0920-911-1398**. Magtanong nang maging marunong!

Wakas.